



Small Medium Enterprise Development
Bank Malaysia Berhad (49572-H)

Kafalah Jaminan Bank-i (Kafalah BG-i)

Tarikh :

LEMBARAN PENDEDAHAN PRODUK

(Baca Lembaran Pendedahan Produk ini sebelum anda membuat keputusan untuk mengambil *Kafalah Jaminan Bank-i*. Pastikan juga anda membaca terma yang terkandung di dalam surat tawaran. Sila dapatkan keterangan lanjut dari institusi anda sekiranya anda tidak memahami mana-mana bahagian dalam dokumen ini atau terma-terma am)

1. Apakah yang perlu diketahui tentang produk ini?

Ia adalah jaminan yang dikeluarkan oleh Bank kepada Benefisiari (pemberi kontrak/pihak ketiga) di mana Bank memberi jaminan untuk membayar kepada Benefisiari jumlah yang dipersetujui jika Pelanggan ingkar dalam memenuhi tanggungjawab dengan Benefisiari.

2. Apakah konsep Syariah yang digunakan?

Kafalah

Kafalah merujuk kepada kontrak di mana Bank memberi jaminan kepada pelanggan dalam menanggung liabiliti tertentu pelanggan. Bank akan mengenakan ujuah (fi) dalam menyediakan kemudahan Kafalah.

3. Apakah yang saya perolehi dari produk ini?

- Jaminan Bank ke atas liabiliti tertentu yang diperlukan oleh Benefisiari dalam memenuhi keperluan kontrak/ perjanjian seperti berikut:
 - i) Bon Pelaksanaan; atau
 - ii) Jaminan Bayaran Pendahuluan; atau
 - iii) Bon Tender; atau
 - iv) Bon Wang Jaminan; atau
 - v) Lain-lain Jaminan
- Jumlah Kafalah BG-i : Seperti mana yang diperlukan oleh benefisiari
- Tempoh Kafalah BG-i : Seperti mana yang diperlukan oleh benefisiari

4. Apakah tanggungjawab saya?

- Anda akan bertanggungjawab untuk menanggung ganti rugi terhadap pihak Bank sebagai penjamin kepada semua kewajipan yang dikenakan berkaitan dengan Kafalah BG-i.
- Ini termasuk apabila Kafalah BG-i yang dikeluarkan dengan syarat bahawa prinsipal akan menanggung ganti rugi pengeluar sekiranya berlaku kegagalan.
- Untuk setiap penggunaan Kafalah BG-i, anda perlu membayar semua fi dan caj yang berkaitan terlebih dahulu.

5. Apakah caj-caj yang perlu saya bayar?

a) Fi Kafalah BG-i

- 1.5% setahun atau 0.125% sebulan berdasarkan jumlah jaminan; atau
- Minimum RM100 untuk setiap jaminan yang dikeluarkan.

Ilustrasi untuk Fi Kafalah BG-i

- Jumlah Kafalah BG-i : RM1,000,000.00
- Tempoh Kafalah BG-i [Tempoh Kontrak + Tempoh Tuntutan (jika ada)] : 3 tahun
- Fi Kafalah BG-i : 1,000,000.00 x 1.5% x 3 tahun
= **RM45,000.00**

Pembayaran fi jaminan boleh dibuat dalam bentuk cek melalui kiriman pos atau cek deposit di cawangan bank atau perbankan internet dengan mana-mana bank yang mengambil bahagian.

b) Duti Setem

Seterti mana yang tertakluk di dalam Akta Duti Setem 1949 (Semakan 1989).

c) Lain-lain Fi dan Caj

Semua kos dan perbelanjaan seperti fi guaman dan lain-lain caj yang terlibat dalam penyediaan dokumen, penyempurnaan dan pendaftaran dokumen sekuriti pihak Bank.

6. Bagaimana jika saya gagal untuk memenuhi tanggungjawab saya?

- Bank akan memenuhi tuntutan untuk membayar jumlah jaminan kepada Benefisiari, sekiranya Kafalah BG-i dituntut oleh Benefisiari. Kafalah BG-i yang dituntut akan diselesaikan melalui kemudahan Pembiayaan Komoditi Murabahah Berjangka-i (CMTF-i) seperti yang tertakluk di dalam Surat Tawaran anda (jika berkenaan).
- Bank boleh mengenakan Ta'widh (ganti rugi) seperti berikut ke atas pendahuluan jaminan jika anda gagal membuat pembayaran kepada Bank, sekiranya Bank mendahulukan jumlah yang dituntut oleh Benefisiari:

Sebelum kematangan

Kerugian sebenar sehingga 1% atas bayaran tertunggak untuk kemudahan dalam tempoh mungkir berdasarkan $Tunggakan\ Ansuran \times 1\% \times Bil.\ Hari\ Tertunggak / 365$

Selepas kematangan

Bank akan mengutip caj Ta'widh (ganti rugi) dari tarikh kematangan hingga tarikh pembayaran atas kerugian sebenar sehingga kadar semasa IIMM ke atas baki belum jelas berdasarkan $Baki\ Belum\ Jelas \times IIMM\% \times Bil.\ Hari\ Tertunggak / 365$

Selepas Penghakiman

Mahkamah boleh mengenakan caj pembayaran lewat atas hutang penghakiman, selepas penghakiman tersebut. Formula untuk caj pembayaran lewat selepas penghakiman adalah $Outstanding\ Balance \times IIMM\% \times No.\ of\ Overdue\ day(s) / 365$

Nota:

- i. IIMM = Pasaran Kewangan Islam Antara-bank (Islamic Interbank Money Market)
 - ii. Ganti rugi ke atas pembayaran lewat tidak akan dikompaun atau melalui kaedah lain yang diluluskan oleh Majlis Penasihat Syariah Bank Negara Malaysia.
- Tindakan undang-undang akan diambil sekiranya anda tidak mengendahkan notis peringatan kami dan anda akan menanggung kesemua kos sekiranya tindakan undang-undang dikuatkuasakan. Anda juga bertanggungjawab untuk menyelesaikan sebarang kekurangan setelah cagaran dilupuskan.

7. Adakah saya memerlukan perlindungan Takaful?

Tidak diperlukan.

8. Apakah risiko utama saya?

Sekiranya anda gagal memenuhi tanggungjawab dengan Benefisiari dan apabila dituntut oleh Benefisiari, Bank akan meneruskan pembayaran dengan mendebitkan akaun anda dan/atau mencair cagaran anda atau melalui kemudahan CMTF-i untuk penyelesaian pembayaran dibuat di bawah tuntutan tersebut seperti yang tertakluk di dalam Surat Tawaran anda (jika berkenaan).

9. Apakah yang perlu saya lakukan jika terdapat perubahan pada nombor telefon dan alamat saya?

Adalah penting untuk anda memberitahu kami tentang sebarang perubahan pada nombor telefon dan alamat anda untuk memastikan bahawa segala surat menyurat sampai kepada anda tepat pada masanya.

10. Di mana saya boleh mendapatkan bantuan dan pembelaan?

- Sekiranya anda menghadapi kesukaran dalam membuat pembayaran, anda haruslah menghubungi kami dengan segera untuk membincangkan alternatif pembayaran. Anda boleh menghubungi kami di:
Pengurusan Perkhidmatan Pelanggan: 03-2603 7700 Laman web: www.smebank.com.my
- Sekiranya anda ingin membuat aduan terhadap produk dan perkhidmatan yang diberikan oleh kami, anda boleh menghubungi kami ditalian 03-2603 7700 atau emel kami di customercare@smebank.com.my atau hantar surat anda ke:
Pengurusan Perkhidmatan Pelanggan
SME Bank, Aras 10, Menara SME Bank,
Jalan Sultan Ismail,
50250 Kuala Lumpur.
- Sekiranya pertanyaan atau aduan anda tidak dapat diselesaikan, anda boleh menghubungi Bank Negara Malaysia LINK atau TELELINK di:
Block D, Bank Negara Malaysia
Jalan Dato' Onn
50480 Kuala Lumpur
Tel: 1-300-88-5465
Faks: 03-21741515
E-mail: bnmtelelink@bnm.gov.my

11. Di mana saya boleh mendapatkan informasi yang selanjutnya?

Sekiranya anda memerlukan maklumat tambahan mengenai produk ini, sila layari laman sesawang kami di www.smebank.com.my atau hubungi Pusat Khidmat Pelanggan kami di talian 03-2603 7700.

12. Lain-lain pakej pembiayaan yang ditawarkan?

Pihak Bank juga menyediakan pembiayaan semula/ aset, pembiayaan modal kerja, pembiayaan kontrak, pembiayaan projek dan lain-lain program pembiayaan khusus.

NOTA PENTING: TINDAKAN UNDANG-UNDANG AKAN DIAMBIL TERHADAP ANDA JIKA BAYARAN KE ATAS PEMBIAYAAN ANDA TIDAK DIBAYAR DENGAN SEGERA PADA TARIKH MATANG

Maklumat yang disediakan di dalam lembaran maklumat ini adalah sah pada